

御纂醫宗金鑑卷四十三

編輯雜病心法要訣目錄

頭痛眩暈

眼目

牙齒口舌

咽喉

肩背痛

心腹諸痛

胸脇痛

腰痛

小便閉癰遺尿不禁

大便燥結

平齒口舌

知目

腹瀉頻數

醫宗金鑑卷四十三

醫宗金鑑卷四十三

御纂醫宗金鑑卷四十三

編輯雜病心法要訣

頭痛眩暈總括

頭痛痰熱風濕氣或兼氣血虛而疼在右屬氣多
痰熱左屬血少更屬風因風眩暈頭風痛熱暈煩
渴火上攻氣鬱不伸痰嘔吐濕則重痛虛動增

註

頭痛屬痰屬熱屬風屬濕屬氣或兼氣虛血
虛因風而痛謂之頭風必眩暈因熱而痛暈
者則煩渴因氣鬱而痛暈者則志意不伸因

痰而痛暈者則嘔吐痰涎因濕而痛暈者則
頭重不起因虛而痛暈者動則更痛更暈也
頭痛眩暈死證

眞頭腦痛朝夕死手足厥逆至節青瀉多眩暈時
時冒頭卒大痛目瞽凶

註

眞頭痛痛連腦內手足青冷至肘膝之節朝
發夕死凡頭痛眩暈時時迷冒及頭目卒然
大痛目視不見或瀉多之後皆凶證也

革芡散

芎芷石膏湯

頭風喑鼻熱革芡濕盛瓜蒂入茶茗風盛日久三
聖散內服芎芷石膏靈芎芷石膏菊羌藁苦加細
辛風防荆熱加梔翹芩薄草便秘尿紅消黃攻

註

一切頭風兼熱者以革芡散喑鼻卽革芡一
味爲末用豬膽汁拌過喑之作嚏立愈一切
頭風兼濕者以瓜蒂松蘿茶二味爲末喑之
出黃水立愈頭風風盛時發日久不愈則多
令人目昏以三聖散喑之方在中風門內用

芎芷石膏湯卽芎芷石膏菊花羌活藁本也
苦痛者加細辛風盛目昏加防風荆芥穗熱
盛加梔子連翹黃芩薄荷甘草大便秘小便
赤加消黃攻之自愈也

茶調散

清震湯

滾痰丸

人參芎附湯

風熱便利茶調散雷頭荷葉蒼與升痰熱滾痰芎

作引虛寒眞痛附參芎

註

雷頭風痛頭面疙瘡耳聞雷聲宜清震湯卽

荷葉蒼朮升麻也人參芎附湯卽人參川芎

川附也

芎犀丸

偏正頭風芎犀丸血虛四物薄羌天氣虛補中加

芎細氣逆降氣黑鉛丹

註

血虛面少血色或久脫血也天天麻也降氣

蘇子降氣湯也

芎麻湯

半夏白朮天麻湯

欲吐暈重風痰痛芎麻湯下白丸寧虛者六君子

乾蘖天麻麴蘖澤蒼同

註麻天麻也白丸青州白丸子也虛者謂風痰

兼氣虛者宜半夏白朮天麻湯卽六君子加

黃耆乾薑黃蘖天麻神麴麥蘖澤瀉蒼朮也

荆穗四物湯

頭暈頭痛同下治血虛物穗氣補中氣血兩虛十

全補上盛下虛黑錫靈

註

頭暈之虛實寒熱諸證同乎頭痛一治法也
其有因血虛宜用荊穗四物湯卽當歸川芎
白芍熟地黃荊芥穗也氣虛宜用補中益氣
湯氣血兩虛宜用十全大補湯上盛下虛宜
用黑錫丹

全錄王為

前頭量

其谷因

自也無

為是此

此其以

全錄王為

前頭量

其谷因

自也無

為是此

此其以

全錄王為

前頭量

其谷因

自也無

為是此

此其以

眼目總括

目爲五藏六府精氣白筋黑骨精瞳血爲眥絡肉
約束裹攢系屬腦項中經熱腠開因風入合邪上
攻赤腫疼輕者外障生雲翳重者積熱頓傷睛

註

經曰五藏六府之精氣皆上注於目而爲之

精精之窠爲眼氣之精爲白眼筋之精爲黑
眼骨之精爲瞳子血之精爲絡眥肉之精爲
約束卽眼胞也裹攢筋骨血氣之精而與眦
系上屬於腦後出於項中因經熱蒸開腠理

故風邪得以入之風熱之邪合上攻於目赤
腫疼痛輕者則爲外障或暴生雲翳重者則
積熱之甚陡然痛傷睛也

外障病證

火眼赤腫淚澁痛鞭腫多熱軟多風瞼粟爛弦鷄
蜎肉努肉赤脈貫瞳睛血灌瞳人高突起旋螺尖
起蟬睛疼拳毛風淚風痒極赤膜下垂黃膜衝

註

風熱上攻目赤腫痛多淚隱澁難開火眼也
腫而硬者屬熱盛也宜先下之腫而軟者屬

風盛也宜先發散兩臉上下初生如粟漸大如米或赤或白不甚疼痛謂之臉生風粟兩臉粘睛赤爛痒痛經年不愈謂之爛弦風又名赤睛臉內如鷄冠蜆肉翻出視物阻礙痛楚羞明謂之鷄冠蜆肉此皆脾經風熱爲病也兩眦筋膜努出謂之努肉攀睛兩眦赤脈漸漸侵睛謂之赤脈貫睛兩眼混赤如朱痛如鍼刺謂之血灌瞳人兩眼痒痛忽然突起謂之突起睛高目中大痛忽生翳膜狀如旋

螺謂之旋螺尖起目中大痛忽然瞳睛努如
蟹目謂之蟹睛疼痛又名損翳此皆肝心二
經積熱也兩瞼燥急睫毛倒刺謂之倒睫拳
毛兩目衝風淚出涓涓冬月尤甚謂之迎風
流淚兩目連眥痒極不痛謂之風痒難任目
中從下忽生黃膜侵睛疼痛謂之黃膜上衝
目中從上忽生赤膜垂下遮睛謂之赤膜下
垂又名垂簾翳此皆心肝脾三經風熱爲病
也

內障病證

內障頭風五風變珠白黃綠不光明頭風痛引目
無淚相注如坐暗室中綠風頭旋連鼻痛兩角相
牽引目疼時或白花紅花起同綠黑花爲黑風烏
花不旋漸昏暗黃風雀目久金睛青風微旋不痒
痛青花轉轉目昏蒙

註

內障之病每因頭風五風變成初病瞳珠漸
漸變色睛裏隱隱似翳或白或黃或綠雖與
不患之眼相似然無精彩光明射人病頭風

者發則頭痛引目無淚或左目或右目或先
左目或後右目相注不定如坐暗室之中此
頭風傷目之漸也綠風者頭旋兩角連鼻相
牽引目疼痛時或見起白花紅花此綠風傷
目之漸也黑風者證同綠風時時見起黑花
此黑風傷目之漸也烏風者亦同黑風但不
旋暈而見烏花漸漸昏暗此烏風傷目之漸
也黃風者久病雀目瞳睛金色此黃風傷目
之漸也青風者頭微旋不痒不痛但見青花